



明詩正聲卷二十一 五言律詩二

廣陵

盧純學

江一夔校閱

選輯

爾雅景

望浮漚亭子

周玄

楊雄遺舊宅寂寞竟誰過
野鳥能歌舞山花作綺羅
池空秋草沒樹雜暝烟多
縱有琴臺月清光柰爾何

九月晦日懷感

長嘆拂吳鉤南園惜壯遊
乾坤同逆旅風雨忽

窮秋牢落莊周劍飄搖范蠡舟行藏吾敢必天
意信悠悠

春日侍駕遊萬歲山

胡儼

鳳輦宸遊日祥雲夾道紅香風傳別殿飛翠繞
行宮徑轉千岩合波迴一徑通忽看鸞鶴起聲
在半天中

其二

閣道雲為幄仙山玉作臺更無凡跡到只有異
香來柳拂金輿度花迎寶扇開太平多樂事扈

從得徘徊

冬日即事

劉秩

縣邑干戈後城空景寂寥山寒雲釀雪江晚月
通潮壯士征衫薄將軍鉄馬驕只今邊境上誰
是霍嫖姚

高郵

楊士奇

四顧無山色蒼茫極遠天水雲涵郡郭秔稻被
湖田草舍津頭市菱歌柳外船羈愁念前路非
為別離牽

賦得滄浪送陳景祺守襄陽

漢水動襄城滄浪舊有名分符來五馬如練照
雙旌濟涉思為楫聽歌想濯纓須令郡人說堪
比使君清

送友人南歸

李禎

離筵兼楚調忍向醉時聞連歲長為客他鄉更
別君鷗波明夕照鴈字寫秋雲迢遞還鄉夢相
隨過海門

宿普濟廢寺

青山行欲盡深樹見僧房雲氣千岩暝秋聲一
院涼長藤垂破衲脫葉覆空廊龍象黃金地蕭
蕭蔓草長

周原幽居

用洪武正韻

山色蛾眉秀江流燕尾分亂蟬吟落日獨鶴引
歸雲黃葉溪邊樹青帘雨外村興來留客坐隨
意倒芳尊

遊少林寺

張楷

步入金沙地相邀坐竹林僧歸青嶂寂龍卧碧

潭深石澗流春乳松堂落夕陰高懷殊未已臨
別更沉吟

贈張將軍

百戰功何在荒城夕照間角聲千騎盡弓影一
燈閒見月思臨塞因風想出山當年青海上猶
記突圍還

晚次樂鄉縣

故國一千里他鄉此獨征亂山依遠戍寒日下
孤城燈火瞻城近川原入望平不堪回首處孤

鴈入雲鳴

歲暮

偶桓

忽忽歲云暮朔風吹客衣雖云鄉井近轉覺信
音稀山響鼙鼙嘯江空鶴鶴飛百年渾潦倒底
事未能歸

訪茅山張鍊師不遇

倪光

客中曾有約孤騎入茅山一水落天上亂雲生
竹間花深溪路遠松老洞門閒采藥不知處月
高猶未還

送張二貢二

章閏

烟靄散春晴，亂鴉深樹鳴。
千山懸落日，一騎出孤城。
急管催離宴，飛花亂旅情。
殷勤懷上策，謁帝向承明。

送孫大赴嶺南

周忱

尊酒三山別，雙鳧五嶺過。
和風吹客袂，啼鳥雜離歌。
雨洗炎方樹，霜清瘴海波。
宦游知獨好，春色向南多。

送積上人歸天竺

李時勉

承恩辭北闕，飛錫返東林。
柳帶天邊雨，松迴巖際陰。
譚空青嶂曉，戒臘白雲深。
坐對湖中月，能忘去住心。

過太湖

程煜

擊楫中流去，西風客思催。
地吞南極盡，波撼北溟迴。
鮫館懸秋月，龍宮起夜雷。
濯纓人不見，長嘯倒金罍。

曉發五溪

章珵

舟發川中路，孤吟背夕曛。
火龔巫峽水，明色

郎雲野店青山繞溪橋綠樹分採菱歌棹遠風
靜有時聞

送倪廷用致仕還嘉興

高穀

青雲遺宦轍白首夢歸田舊着宮袍重新栽野
服鮮草堂留月色花徑隔塵緣陶令門前柳春
來穩繫船

別澤方

于謙

信馬天將暮離山路始平川滎太行驛樹遶澤
州城落日翻旗影長風送角聲孤雲在天際回

首若為情

過桐君山

張和

雲斷山疑合川迴路忽分秋聲兩岸葉曉色萬
峰雲旅鴈衝帆度寒蟬隔水聞嚴陵遺跡在我
欲問桐君

桐村小隱

姚綬

河流南入市迳路北通村新結草堂好舊栽桐
樹繁兒童知稼穡鷗鷺識琴樽有空問竒字乘
舟直到門

宮怨

周序

羅幌動微風沉沉永巷中
烏啼朱戶掩花謝玉
闌空妾意春長在君恩水自東
獨悲明月夜歌
吹動深宮

留別章二珎

鄭自強

祖道大江西春風黃鳥啼
石危山路轉地險海
城低浦樹夕陽盡人家陰霧迷
孤舟今夜泊回
首復淒淒

維揚懷古

周述

廣陵河上路煬帝昔曾過
不見瓊花發猶傳玉
樹歌臺荒衰柳在宮廢
亂螢多欲問前朝事悲
風起夕波

送友人

王洪

積雪徧河關長亭落照間
一尊當暮別千里共
春還烟樹連荒墅晴江帶遠山
東風薊城路幾
日到長安

李中郎粉署餘清卷

鳴佩趨丹闕焚香坐粉闈
禁城鐘鼓靜人吏簡

書稀幽鳥鳴高樹涼風動紫微明時仍宮達誰
不羨恩輝

雜興

故國徧芳草高臺多大風河山千古在登眺幾
人同野澤鳴山雉荒陂起塞鴻新豐不可見烟
樹五陵東

其二

曠野杳無際孤舟齊魯間河流東下險天氣北
來寒一作天氣古道蒼烟迴長亭落照閒微茫

雲水外一點是梁山

多景樓

陳璉

獨倚欄干久涼風滿客衣樹從京口斷山到海
門稀雁影橫秋色蟬聲送夕暉蕪城纔只尺樓
堞望中微

送金諭德扈從征虜二首

王英

三春車駕發萬里滅殘胡龍虎揚軍勢風雲布
陣圖從臣侔穆契兵法論孫吳破敵應無戰謳
歌待獻俘

駐蹕陰山下分營瀚海邊
春光明玉帳殺氣薄
胡天鼙鼓雷霆震
旌旗日月懸
參謀有籌策前
席屢承宣

重遊金粟寺

張寧

溪深通小艇山峻露層臺
林葉經霜盡河水近
午開閒雲僧出定
舊雨客重來
擾擾浮生路
經過知幾迴

楊妃塚

幸極多生變
息深不到家
寧歸掖庭獄
得耐後

宮斜鬼火消
寒雨魂香散
落花猶勝莫
臯婦青塚亂
胡沙

江南旅情

蘇正

天涯為客久
生計日蕭條
旅况頻看月
鄉心獨聽潮
春歸江上早
家在夢中遙
無限相思意
東風白下橋

立秋前一日望夕

張泰

殘暑避朝雨
新涼歸晚晴
大星迎夜出
高月向秋明
桂樹青山思
芙蓉綠渚情
年芳時未歇
鷓鴣

鳩莫先鳴

送羅時泰憲副兵備瀘淑

李東陽

劔閣攬天起巴江劃地流駐兵曾六鎮分臬比
諸侯社稷須長計乾坤有壯遊安攘非兩事慎
勿倚戈矛

靜海驛

文林

深夜驛途靜長河瀚海通舟明沉水月燈暗落
潮風暝色浮烟外春光欲雨中年年苦行役踪
跡任飄蓬

江南旅懷

楊榮

客夢家千里鄉心柳萬條片雲遮海嶠一雨送
江潮戀闕綈袍在懷人尺素遙春光看又晚何
處灞陵橋

舟中

王潤

旅宿孤舟裏寒燈對客愁江山今夜月風露一
天秋水白蕪葭渚霜清杜若洲明朝尋舊約來
此狎盟鷗

歸鴈

楊守陳

迢遞天南鴈春來自北飛一行辭玉溆萬里向
金微聲斷塞雲迥影沈關月輝因嗟異鄉客經
歲未能歸

歲暮柯亭道中

朱顯

行旅正紛然危亭古道邊晚峯千樹雪寒隴幾
家烟孤棹荒城外歸心去鳥前浮踪未能定况
復值殘年

樵

洪貫

息肩雲谷裏世事久忘機石枕梅花夢山風榭
葉衣行歌驚野鹿歸擔荷斜暉欲問吳門路于
今世已非

登雄縣城樓

儲燿

高秋愜登眺平楚動悲歌樓櫓何年廢前朝爭
戰多雲閒青海戍塵靜白溝河翻笑咸平際金
繒滿塞駝

彭城有懷

清夜棹歌發高秋客思生綿綿鄉國夢歷歷水
雲程老樹危蟠石衝波怒齒城白門樓上月偏

明言山齋
卷之三十一
二
傷海東明

同馮執之遊上方寺

蜀岡青不斷西崦上方開林暝杉松合天清鶴
雀迴斷橋微有石冽井不生苔多暇陪驄馬芳
春共酒杯

偶興

聶大年

舟中常早起清坐更焚香遠樹兼天淨高槐過
雨涼不知身是客空有夢還鄉寫得平安字無
人為寄將

送孟繼之歸梁州

魯道

樽酒荆門客南征古道平雲連神女廟山繞夜
郎城越鴛開荒服滇池隱旆旌相思日千里腸
斷夜猿聲

登望山

李夢陽

吳楚分何代乾坤此郡孤江從樹裏斷山入雨
中無戰鬥名空在英雄世與徂酒酣撫長劍極
目盡重湖

上元滕閣燈宴

陽浦通新霧陰城帶古樓君王罷歌舞棟宇白
雲留草色歲年換客心江水流暮天仍一望燈
火萬家洲

下吏

十年三下吏此度更沾衣梁獄書難上秦庭哭
未歸圍墻花自發鎖館燕還飛况屬炎蒸地憂
來不可揮

出塞

磧日淡無暉胡沙驚自飛望烟尋戍壘聞鴈忽
沾衣大將搜河套遊兵出武威賀蘭山下戰昨
日幾人歸

酬京師友人見寄

浮雲悲故國積水起鳴雷不見長安日愁登古
吹臺故人三月別天上一書來欲問經行處山
中杜若開

中湖寺

龍象何年地千巖一澗迴我來尋石鏡隔竹望
香臺樹繞啼猿入人從鳥道來坐飡霞氣晚只

擬是天台

顧子謫全州舟過豫章贈

楚城悲遠望君去更悠悠十月逢南雁章江况
北流寒沙帶宿莽霜月下孤舟明發湘東路應
添弔屈愁

郊壇值雪

鳳輦連宵發鷄鳴雪滿畿嚴隨黃鉞至輕繞翠
華飛伏謁深沾佩朝回半濕衣懸知清切地冲
淡迓天威

朱仙鎮廟

宋墓憐岑寂岳宮今在茲霜風留檜栢陰雨見
旌旗百戰回戈地中原左衽時土人嚴伏臘偏
護向南枝

銀山寺

銀山湯嶺北天外削三峯下見林中寺來聞午
後鐘僧徒住石屋雷雨拔門松西望諸陵接雲
成五色龍

南湖

明詩正聲 卷之二十一
北山已竒絕逾嶺復南流石磴相迴互岩泉乍
有無開窓衆壑積當殿一峯孤更攬千林竹因
懷長嘯徒

豐安

地氣南逾熱僧林晚暫棲雲開一江去日在萬
山西修竹涼風至昏鴉古木齊凭高忽灑淚清
世有征輦

五老峰

東南濤浪吞五老古今存秀色彭湖浴諸峰廬

嶽尊中宵見海日北斗豁天門霜雪顏常淨雲
烟解變魂

再送白帥

聖主下龍章將軍入鳳陽地盤淮海壯天擁孝
陵長檠戟新開府威名古辟疆卜年元萬世王
道是金湯

和鄭生行經鳳陽

浩蕩興龍地盤旋翥鳳形海吞淮水白天插楚
峯青帝宅精靈聚陵宮虎豹扃萬年裡祭禮

有道賴朝廷

鄭生至自泰山一首

昨汝登東岳何峰是絕峰有無丈人石幾許大
夫松海日低波鳥岩雷起窟龍誰言天下小化
外亦王封

中秋南康

同是中秋月匡廬只自看故臨石鏡上偏傷落
星灘北望關山月南飛烏鵲寒鳳歌喧太液光
滿憶長安

九日上方寺

賞時爭上塔乘月復登臺地盡中原入天空秋
色來望鄉番恨鴈有菊且啣杯却憶龍山帽徒
增醉者哀

獄夜雷電暴雨

一雨暮何急孤眠宵未央疾雷翻暗壁落電轉
空梁勢極千山動光還萬里長天威終不測魑
魅可潛藏

河上秋興

白馬瓠子口秋風汾上歌帝鄉不可見千載白
雲多樹動江帆至霜前塞鴈過滄洲無盡極慷
慨有漁叢

甥嘉北來出其謁逢干廟之作予為和之

嘉時謫茂州判

汝謁雙忠廟徘徊幾度吟暴雲連海白積水帶
城陰自投看碑淚誰知駐馬心未須悲遠窟不
死是恩深

四月

陳獻章

四月陰晴裡山花落漸稀雨聲寒杜若日色暖
荼蘼病起初持酒春歸尚掩扉午風吹蛺蝶低
趁乳禽飛

至陳冕家

遠樹晴堪數孤雲暝欲遮自憐江海迹能到友
生家落日明江色輕風動藕花相看吾髮白不
必問年華

晚步

居常嬾出戶閒到社西頭海國諸峰暝乾坤六

月秋微涼生浦樹
返照下西樓
今夕蒲團上前
山更卧遊

尺牘卷之二十一



